



01/3

SEKTOR ZA CARINE

Broj: 03/1-18- 02-2-3019-3 /14
Datum: 31/12 2014.godina

K.M./1371

REGIONALNI CENTRI
Odsjek za carinske poslove
SVIM

**Predmet: Sporazum o slobodnoj trgovini između Bosne i Hercegovine
i država evropskog udruženja slobodne trgovine, obavještenje**

Uprava za indirektno oporezivanje - Sektor za carine je dana 26.12.2014. godine, zaprimio akt Ministarstva vanjske trgovine i ekonomskih odnosa Bosne i Hercegovine, broj: 04-03-05-2000-21/12 od 22.12.2014. godine, u kojem nas obavještavaju da Sporazum o slobodnoj trgovini između Bosne i Hercegovine i država Evropskog udruženja slobodne trgovine (EFTA), objavljen u "Službenom glasniku BiH"- Međunarodni ugovori, broj 18/14 od 02.10.2014. godine, stupa na snagu 01.01.2015. godine.

Sporazum o slobodnoj trgovini potpisale su, s jedne strane, Island, Kneževina Lihtenštajn, Kraljevina Norveška i Švicarska Konfederacija (države EFTA-e) i s druge strane, Bosna i Hercegovina.

Shodno odredbama člana 7. Sporazuma trgovina robom se odnosi na:

- sve proizvode razvrstane u poglavlja 25. do 97. Harmonizovanog sistema, izuzimajući proizvode navedene u Aneksu I;
- prerađene poljoprivredne proizvode navedene u Aneksu II, uzimajući u obzir aranžmane koje predviđa taj Aneks; i
- ribu i ostale morske proizvode, kao što je navedeno u Aneksu III.

Takođe, Bosna i Hercegovina je sa svakom državom EFTA-e zaključila sporazum o trgovini poljoprivrednim proizvodima na bilateralnoj osnovi, jer države EFTA nemaju zajedničku poljoprivrednu politiku, već svaka od njih ima svoje MFN carine (princip najpovlašćenije nacije) prema trećim zemljama.

Član 8. Sporazuma upućuje na odredbe Protokola o pravilima porijekla - Definicija pojma "proizvodi s porojeklom" i načinima administrativne saradnje. Ovim Protokolom, kao i svim protokolima koji su sastavni dio trgovinskih sporazuma koje već primjenjujemo, propisani su uslovi za sticanje porijekla, mogućnosti kumulacije porijekla, dokazi o porijeklu, izdavanje dokaza o porijeklu, važenje i čuvanje dokaza o porijeklu, kao i niz odredbi koje omogućuju korištenje povlaštene stope carine prilikom stavljanja u slobodan promet robe u Bosni i Hercegovini, odnosno izdavanje dokaza o porijeklu za robu koja se izvozi, u svrhu primjene povlaštene stope carine u zemlji uvoza.

Činjenica je da se primjenom novih sporazuma o slobodnoj trgovini proširuju i mogućnosti kumulacije porijekla. Ovaj Sporazum je u članu 4. Protokola definisao uslove koji moraju biti ispunjeni da bi roba stekla status robe porijeklom iz Bosne i Hercegovine primjenjujući pravilo kumulacije. Ovo pravilo kaže da će proizvod imati BiH porijeklo ukoliko se u izradi finalnog/izvoznog proizvoda koriste materijali porijeklom iz zemalja sa kojima je kumulacija dozvoljena (Island, Švicarska, Norveška, Lihtenštajn, Turska ili Evropska unija i zemlje koje učestvuju u procesu stabilizacije i pridruživanja Evropskoj uniji), ako isti prođu postupke obrade ili prerade koji premašuju nedovoljne postupke obrade ili prerade propisane članom 7. Protokola.

